

STJÓRNARTÍÐINDI B 88 – 1997

30. október 1997

1381

Nr. 609

REGLUGERÐ

um öryggislok og áþreifanlega viðvörun.

1. gr.

Markmið.

Markmið reglugerðar þessarar er að tryggja að umbúðir mjög hættulegra efna og vörutegunda sem í eru slík efni, og ætlaðar eru til dreifingar á almennum markaði, séu með öryggislok sem börn geta ekki opnað og/eða að á þeim sé áþreifanleg viðvörun um hættu, fyrir sjónskerta.

2. gr.

Gildissvið.

Ákvæði reglugerðar þessarar taka til umbúða af öllum stærðum og gerðum sem í eru hættuleg efni eða efnablöndur sem falla undir reglugerð nr. 236/1990, um flokkun, merkingu og meðferð eiturefna, hættulegra efna og vörutegunda, sem innihalda slík efni, ásamt síðari breytingum og skilgreindar eru í 1.- 5. tölul. Sjá þó jafnframt ákvæði 22. gr. reglugerðar nr. 236/1990 og ákvæði 4. gr. reglugerðar nr. 449/1996, um bann við notkun tiltekinnna eiturefna og hættulegra efna.

- 1) Efni og vörutegundir flokkaðar sem „*Sterkt eitur*“ (Tx), „*Eitur*“ (T) eða „*Ætandi*“ (C).
- 2) Efni og vörutegundir flokkaðar sem „*Varúð hættulegt*“ (Xn), „*Mjög eldfimt*“ (Fx) eða „*Eldfimt*“ (F).
- 3) Efni og vörutegundir flokkaðar sem „*Varúð hættulegt*“ (Xn), þegar gerð er krafa um merkinguna: „*Varúð hættulegt, getur valdið lungnaskaða við inntöku*“ (H 65).
- 4) Vörutegundir sem í eru 3% eða meira af metanóli, CAS nr.¹⁾ 67-56-1.
- 5) Vörutegundir sem í eru 1% eða meira af díklórmetani, CAS nr. 75-09-2.

3. gr.

Öryggislok.

Umbúðir hættulegra efna og vörutegunda sem falla undir 1., 3., 4. og 5. tölul. 2. gr. og ætlaðar eru til dreifingar á almennum markaði skulu búnar öryggislokum sem börn geta ekki opnað.

Undanþegin þessu ákvæði eru efni eða vörutegundir sem falla undir 3. tölul. 2. gr. ef þau eru í úðabrusum eða öðrum úðunarílátum.

Umbúðirnar skulu samræmast ákvæðum í A-hluta viðauka við reglugerð þessa.

¹⁾ CAS nr.: Chemical Abstract Service - Alþjóðlegt númer efna og efnasambanda.

4. gr.

Ápreifanleg viðvörðun um hættu.

Á umbúðum hættulegra efna og vörutegunda sem falla undir 1. og 2. tölul. 2. gr. skal vera ápreifanleg viðvörðun um hættu, fyrir sjónskerta.

Viðvörðunin skal vera í samræmi við ákvæði í B-hluta viðauka við reglugerð þessa.

5. gr.

Eftirlit.

Heilbrigðiseftirlit sveitarfélaga, undir yfirumsjón Hollustuverndar ríkisins, hefur eftirlit með framkvæmd reglugerðar þessarar.

Leiki vafi á að búnaðurinn sem um getur í 3. og 4. gr. sé í samræmi við ákvæði viðauka við reglugerð þessa, geta eftirlitsaðilar farið þess á leit við þann sem er ábyrgur fyrir dreifingu efnisins eða vörutegundarinnar að hann láti þeim í té allar upplýsingar sem máli skipta, ásamt prófunarvottorði í samræmi við A-hluta viðauka við reglugerð þessa.

6. gr.

Viðurlög.

Um mál er rísa kunna út af brotum á reglum þessum fer að hætti opinberra mála. Um refsingar fer samkvæmt 26. gr. laga nr. 52/1988, um eiturefni og hættuleg efni, með síðari breytingum.

7. gr.

Gildistaka.

Reglugerð þessi er sett með stoð í lögum nr. 52/1988, um eiturefni og hættuleg efni, ásamt síðari breytingum svo og lögum nr. 81/1988, um hollustuhætti og heilbrigðiseftirlit. Einnig var höfð hliðsjón af ákvæðum sammingsins um Evrópskt efnahagssvæði, sem vísað er til í II. viðauka, XV. kafla, tl. 1, 10 og 12b, tilskipun 90/35/EBE sem skilgreinir í samræmi við 6. gr. tilskipunar 88/379/EBE flokka efnavöru í umbúðum sem skulu búnar lokum þannig að börn geti ekki opnað þær og/eða hafa ápreifanlega viðvörðun um hættu, tilskipun 91/410/EBE um fjórtánda aðlögun að tækniframförum á tilskipun ráðsins 67/548/EBE um samræmingu ákvæða í lögum og stjórnisýslufyrirmælum um flokkun, pökkun og merkingu hættulegra efna og tilskipun 91/442/EBE um umbúðir hættulegra efna sem skulu vera þannig að börn geti ekki opnað þær, eins og henni var breytt með tilskipun 96/65/EB.

Reglugerðin öðlast þegar gildi. Ákvæði 3. tl. 2. gr. tekur þó ekki gildi fyrr en 1. janúar 1998.

Umhverfisráðuneytinu, 30. október 1997.

Guðmundur Bjarnason.

Magnús Jóhannesson.

VIÐAUKI**A-hluti.**

Umbúðir búnar öryggislokum sem börn geta ekki opnað skulu vera í samræmi við ISO-staðal 8317 (útgáfa frá 1. júlí 1989) varðandi „Umbúðir sem eru þannig að börn geti ekki opnað þær - Kröfur og aðferðir við prófun á margnota umbúðum“ sem samþykktur er af Alþjóðastaðlastofnuninni (ISO).

Aðeins rannsóknarstofa sem samræmist evrópsku staðalnúmeri EN 45 000 getur vottað að ofangreindum staðli sé fylgt.

Sérstök tilvik.

Ekki þarf að framkvæma ofangreinda prófun ef augljóst er að umbúðirnar eru þannig að börn geti ekki komist í innihaldið án þess að nota til þess áhald.

Í öðrum tilvikum og þegar gildar ástæður eru til að draga í efa að um barnhelt öryggislok sé að ræða, geta eftirlitsaðilar farið þess á leit við þann sem er ábyrgur fyrir dreifingu efnisins eða vörunnar að hann leggi fram vottorð frá rannsóknarstofu eins og lýst er hér að ofan sem annaðhvort staðfestir:

- að lokið sé þannig að ekki sé nauðsynlegt að prófa það í samræmi við ofangreindan ISO-staðal, eða
- að lokið hafi verið prófað og reynst vera í samræmi við ofangreindan staðal.

B-hluti.

Útfærslan á áþreifanlegri viðvörun um hættu skal samræmast EN staðli 272 (útgáfa frá 20. ágúst 1989) um áþreifanlega viðvörun um hættu.